

Gaxgonq seizi, songde cij mbouj gvaq dwg doengzhag caeuq baengz-youx, hoeng seizneix baenz sau baenz mbauq, geij bi doxbuex, songde cingq doxgyaez lo!

Songde cuhcungh bizyez, cungh-gauj cingczik mbouj ndei, gauj mbouj hwnj gauhcungh. Vunz ndaw rungh ndaw bya baenzranz caeux, itbuen cib geij bi couh aeu yah roxnaeuz baehaq lo. Raen doengzdoih cungj doxcanj doxaeu, Daegvaenz yienznaeuz hoz-haenz, hoeng mbouj gamj lwnh bohmeuh naeuz bonjfaenh siengj aeu sau Bouxgun lajbya guh yah. Daegvaenz rox, gangj hix dwg langhdangh, bohmeuh de haengjdingh dai cungj mbouj doengzeiq.

Naemj bae naemj dauq, geij ngoenz gvaqbae, Daegvaenz caeuq Dahmeiz gietdingh okrog bae dajgoeng geij bi, caj rom ndaej di ngaenz, haeuxsan cawj baenz ngaiz le, bohmeuh aiq couh mbouj fanjdoidq baenzneix haeng lo. Baenzneix siengj le, songde gip buhvaq couh dapci haeuj ndaw singz bae dajgoeng lo.

Youq ndaw singz guh hong dwgengz raixcaix, songde youh mbouj roxnaj geijlai vunz, song boux vunz youq itheij gag gvaq saedceij bonjfaenh, geij bi gvaqbae hix baenz gvanbaz caen lo. Daengz lwnyeuz Daegvaenz caeuq Dahmeiz okseng le, songde siengj seizneix dwg seizhaeuh dauqbae doiq bohmeuh gangj lo. Baenzneix, songde youq ndaw singz cawx geij daeh huqlaex, couh daiq lwg



Doxgyaez Mbouj Miz Loek

相爱没有错

□ Cunch Yujgingh / 钟汝荆

baema yawj bohmeuh lo.

Ngamq dauqma daengz bak mbanj ranz Daegvaenz, couh miz vunz ndaw mbanj yawjraen Dahmeiz aemq lwg, Daegvaenz gwnz mbaq nenq daeh ndaw fwngz riuj doxgaiq, bouxboux cungj daengx roengzdaeuj daceangz. Byaij daengz ranz Daegvaenz, aen ranz lij dwg gij yiengh gaeuq gaxgonq, mbouj doxdoengz dwg baihnaj aen ranz ndwn miz haujlai vunz.

Boh Daegvaenz youq cungqgyang ndaw vunz, fwngz gaem dawz diuz faexhanz ndeu, naj laepfwd mbouj miz saekdi biujcingz.

Raen Daegvaenz daengz dangq-naj, boh Daegvaenz caengz caj de gangj coenz vah ndeu, couh aeu faexhanz moeb gvaqbae. Daegvaenz veq mbouj gib, ngaiz moeb deng cik gen ndeu. Dahmeiz doeksaet dwk hemq hwnjdaeuj, gipmuengz gvaqbae bwenj

genbuh Daegvaenz daeuj yawj de deng mbouj deng sieng.

Boh Daegvaenz heiqhwnj ffwf coh Daegvaenz rongx naeuz: "Dangh-naeuz mwngz seizneix sikhaek biek dah neix bae, mwngz couh lij dwg lwg gou, mboujnex couh gaej caiq yamq haeuj aen ranz gou!"

Daegvaenz mbouj ei, lij siengj ngaeq gangj maz dem, boh de cix gag haeuj ranz haep dou hwnjdaeuj.

Daegvaenz Dahmeiz songde youq rog dou ngaeq ndaej geij aen cungdaeuj, boh Daegvaenz lij dwg mbouj leix mbouj langh. Raen lwgsaeq youq laj daengngoenz daeinge'nge, Daegvaenz Dahmeiz sim'in lai. Mwh-neix Daegvaenz lumj daekcoih vunz daengx mbanj nei, cungj mbouj miz saek boux daeuj bang de. Bae daengz ranz Dahmeiz, bohmeuh Dahmeiz raen lwgmbwk youq rog gag caeuq

vunz ok miz lwg, saiqnaj lairwd, hix haep dou mbouj hawj songde haeuj ranz.

Daegvaenz Dahmeiz cij ndaej bae gwnz haw ra dieg yietnaiq, naemj naeuz ngoenzcog caiq dauqma ngaeq baez moq. Hoeng ngaeq bae ngaeq dauq, boh Daegvaenz cungj mbouj doengzeiq, bae ranz Dahmeiz hix dwg yienghneix. Mbouj miz banhfap, songde cij ndaej aemq lwgsaeq dauqbae ndaw singz dajgoeng.

Geij bi gvaqbae, daengz songde miz lwg daihngaih, vunz ndawranz lij dwg mbouj hawj songde dauq ranz. Daegvaenz gag gyangznaek guh fwen naeuz:

Doxgyaez mbouj miz loek,
Cix cenx coeg cenx camz,
Vih vunz mbanj vunz bamz,
Luenh gangj sam gangj seiq.

(sat)

Haeujceij

讲信用

□ Dahfung

Haeujceij dwg gangj naeuz boux vunz raeuz guh vunz aeu gangj daengz guh daengz, gij saeh dapwngq vunz gvaq couh aeu guh ndaej daengz. Bouxvunz danghnaeuz mbouj haeujceij, youq gwnzbiengz couh nanz ndwn ndaej onj, guh maz cungj nanz baenz.


Gaxgonq ranzcoj gou miz boux dajsan lauxbanj ndeu, de heuh gyoengqvunz bang de raed reu, hainduj gangj gij cienz hong dwg moix gep gak ngaenz ndeu. Gvaqlaeng, de raen doengh boux vunz guh hong raed ndaej vaiq, daengz suenq cienz seiz, de couh gemj cienz hong roengzdaeuj, hawj gyoengqvunz moix gep 6 faen ngaenz ndwi. Gyoengqvunz guh hong hix mbouj gangj saek coenz vah, couh mbouj bang de guh hong lo. Gvaq mbouj geij nanz, boux lauxbanj neix couh guh mbouj roengzbae lo. Boux lauxbanj neix baenzlawz rox daengz haeujceij cij dwg gij giekdae guh seng'eiq ne? Haeujceij dwg gij gaenbonj, mwngz mbouj haeujceij, couh gag vut gij vanj gwn ngaiz swheij bae.

Mboujguenj dwg guh seng'eiq

roxnaeuz guh vunz, danghnaeuz mbouj haeujceij, ngoenzlaeng couh nanz byaij ndaej bae gizgyae. Haeujceij saekseiz hix hawj vunz sou ndaej gij doxgaiq wng.

Geiqndaej 2002 nienz 5 nyied, gou caeuq gvan gou guhdoih bae gwnz haw cawx cienmeng. Ngoenzhaenx, yah lauxbanj yaek hwnj gwnz ranz-laeuz bae cawj ngaiz, de couh daengq dou bang de yawj diemq. Yaep he, miz vunz dwk denva daeuj dinghuuq, gou bang de ciep denva, lij aeu bae ndaw daiz aeu bit caeuq ceij daeuj geiq soq. Byawz ngeix daengz, gou haeujbae baez hai aen doengjgvihi ra bit caeuq ceij, couh raen dab ngaenz youq ndawde. Gou ra ndaej bit caeuq ceij, geiq ndei gij siusik lo, hix mbouj doengh saek faen ngaenz, ciuqyiengh gven aen doengjgvihi, ok daiz bae deq yah lauxbanj.

Dou caj de haujlai nanz, yah lauxbanj cij daj gwnz ranzlaeuz roengzdaeuj. Gou gangj: "Aen doengjgvihi mwngz miz haujlai ngaenz, mwngz geq ndei yo maenh." De geizheih dwk gangj: "Gizde miz ngaenz? Gou mbouj



Byaraemx gyaeundei lumj fukveh.

Yizmingz ingj

rox seizlawz vut cienz coq ndaw doengjgvihi neix bw! Bingzciegz cienzngaenz cungj cuengq youq aen daeh aemq haenx. Docih sou lo!"

De menhmenh geq ngaenz ndaw doengjgvihi, fatyienh miz fanh haj maenz, de yaek aeu cien maenz hawj dou. Gou riuhaha gangj naeuz: "Guh vunz aeu lauxsaed haeujceij, dapwngq mwngz bang mwngz yawj diemq couh

aeu dawz ndei. Danghnaeuz dou yaek aeu cienzngaenz mwngz, dou couh laeglemx aeu gij ngaenz neix lij lai. Gij ngaenz neix mwngz yo ndei, sou guh seng'eiq ra ngaenz hix mbouj yungzheih."

Doeklaeng, dou caiq bae aen diemq de cawx doxgaiq, de cungj aeu dou bonjcienz ndwi, de caeuq dou baenz baengzyoux ndei.